

স্বাধীন বিচার ব্যবস্থা এবং আইনের শাসন

ওয়াশিংটন, ২১শে আগস্ট -- গত ১৪ই আগস্ট পার্কিংটনের ইসলামাবাদে ভিডিও কনফারেন্সের মাধ্যমে প্যানেল বিচারপতিদের যুক্তরাষ্ট্র সুপ্রিম কোর্টের প্রাক্তন বিচারপতি সানজ্বা ডে ওকনোর বলেছেন, “আজকের বিশ্বে আইনের শাসনের ধারণা সকল জাতি কর্তৃক মেনে চলাই কেবল সুখ ও সমৃদ্ধিতে বসবাসের সর্বোত্তম পথ। আর কোন দেশে যথাযথভাবে গৃহীত আইন স্বাধীন বিচার বিভাগ কর্তৃক প্রয়োগ, ব্যাখ্যা ও কার্যকর করা জরুরী।”

ওকনোর বলেন, রাজনৈতিক বিরোধীতার সম্মুখীন হলেও বিচারকদের আইন কার্যকরী করা উচিত। তিনি আরও বলেন, সরকারের অন্যান্য শাখা কর্তৃক পাল্টা দুর্ব্যবহারের ভীতি ছাড়াই স্বচ্ছ ও পক্ষপাতাহীন বিচার প্রদানে বিচারকদের স্বাধীন থাকতে হবে।

বহুদেশীয় ঐ প্যানেলে পার্কিংটনের মাননীয় প্রধান বিচারপতি ইফতেখার মোহাম্মদ চৌধুরী বলেন, সুশাসন চর্চা করছে এমন দেশের স্বাধীন বিচার ব্যবস্থা অত্যন্ত প্রয়োজনীয় একটি উপাদান।

বিভিন্ন দেশ থেকে আগত বর্তমান ও প্রাক্তন বিচারকদের সমন্বয়ে গঠিত ঐ প্যানেল চার দিনের আন্তর্জাতিক বিচার ব্যবস্থার উপর আলোচনারই একটি অংশ। ৪৩টি দেশের ২০ জন বর্তমান প্রধান বিচারপতিসহ ৯১জন অংশগ্রহণকারী সাধারণ ইস্যু নিয়ে আলোচনা করেন এবং বিচারিক আইন ও ক্ষমতার মতামত বিনিময় করেন।

ওকনোর বলেন, এটা অত্যন্ত গুরুত্বপূর্ণ যে, আইনজীবী ও বিচারকগণ “স্বাধীন বিচার ব্যবস্থার যে ধারণা তার সমর্থনে নির্ভয়ে মতামত দেবেন এবং তারা তা মেনে চলবেন, সংরক্ষণ করবেন এবং প্রয়োগ করবেন।”

যুক্তরাষ্ট্র দশম সার্কিটের আপীল আদালতের বিচারক রবার্ট হেনরী বিভিন্ন বিষয়াবলী পরস্পরের সাথে আলোচনা করার জন্য বিচারকদের প্রতি আহবান জানান। এ সব বিষয়ের মধ্যে রয়েছে চাকুরীর মেয়াদ, সম্পদ, নির্বাহী শাখার সমর্থন এবং দুর্নীতির মত অভ্যন্তরীণ সমস্য।

হেনরী বলেন, “বিভিন্ন সমস্যা নিয়ে আমরা কিভাবে কাজ করি সে সম্পর্কে একে অপরের সাথে চিন্তা চেতনা, মতামত এবং কোশলের বিনিময় করতে বিশ্বের বিচারকদের একাত্মত হওয়া অত্যন্ত জরুরী।”

পাকিস্তানের প্রধান বিচারপতি ইফতেখার মোহাম্মদ চৌধুরী বলেন, নিম্ন আদালত অথবা সুপ্রিম কোর্ট যেখানেই হোক না কেন, বিচারকগণ যেদিন থেকে নিয়োগপ্রাপ্ত হবেন সেদিন থেকেই তারা হবেন স্বাধীন ও পক্ষপাতিবিহীন এবং কোন মামলায়ই ব্যক্তিগত স্বার্থ রক্ষা থেকে বিরত থাকবেন। ওকনোর বলেন, বিচারকদের অবশ্যই উচ্চ নৈতিক মানদণ্ড থাকতে হবে এবং এ সকল মানদণ্ড লঙ্ঘন করলে তাদের প্রতি আইনানুগ ব্যবস্থা গ্রহনের উপায় থাকতে হবে।

বিচারকদের উল্লেখিত বিষয়সমূহের অন্যতম উদ্দেগের বিষয় হচ্ছে দুর্নীতি। জনাব চৌধুরী বলেন, বিচার বিভাগের স্বাধীনতা নিশ্চিত করতে বিচারকদের দুর্নীতি নিয়ন্ত্রণ হচ্ছে অন্যতম গুরুত্বপূর্ণ পদ্ধা। তিনি বলেন, পাকিস্তানের অনেক আদালতই দুর্নীতির বিরুদ্ধে যুদ্ধে সহায়তা করতে বিচারকদের আচরণ বিধি প্রয়োগ করে।

পাকিস্তান সুপ্রিম কোর্টের ৫০তম বার্ষিকীর সাথে ঐ সম্মেলন যুগপৎ উৎযাপিত হয়। আরও তথ্যের জন্য পাকিস্তান সুপ্রিম কোর্টের ওয়েবসাইট (www.supremecourt.gov.pk) দেখা যেতে পারে।

বিচার ব্যবস্থার স্বাধীনতার বিষয়ে আরও তথ্য ডেমোক্রেসী ডায়লগস ইন্ডিপেন্ডেন্ট কোর্টস (www.democracy.gov/dd/eng_democracy_dialogues/independent_courts.html) দেখা যেতে পারে।

=====

* (ওয়াশিংটন ফাইল যুক্তরাষ্ট্র পররাষ্ট্র দফতরের অফিস অব ইন্টারন্যাশনাল ইনফরমেশন প্রোগ্রাম্স-এর একটি প্রকাশনা।)

জিআর/ ২০০৬

দ্রষ্টব্য: এই নিবন্ধের ইংরেজি ভাষ্য ‘আমেরিকান সেন্টার’-এ প্যাওয়া যাবে। যদি আপনি ইংরেজি ভাষাটি পেতে অসহায় হন, তবে ‘আমেরিকান সেন্টার’ প্রেস সেকশনে (টেলিফোন: ৮৮০৭১৫০-৮, ফ্যাক্স: ৯৮৮৫৬৪৪; ই-মেইল: DhakaPA@state.gov এবং Website: dhaka.usembassy.gov এ যোগাযোগ করুন।